

Diari Oficial de la Generalitat de Catalunya

[Inici](#) > [Resultats i fitxa](#)[+ Comparteix](#)[Enllaç permanent](#)[Torna](#)

[Afegeix-lo a la meva selecció i subscriu-m'hi](#)
[PDF \(95.39 KB\)](#) [Afegeix-lo a la meva selecció](#)

LEI 28/2002, de 30 de deseme, de creacion der Institut entath Desvolopament e era Promocion deth Naut Pirenèu e Aran.

Eth President
dera Generalitat de Catalonha

Sigue notòri a toti es ciutadans qu'eth Parlament de Catalonha a aprovat, e jo, en nòm deth rei e d'acòrd damb çò que ditz er article 33.2 der Estatut d'autonomia de Catalonha, promulgui era seguenta

LEI

Preambul

Es territòris deth Naut Pirenèu (Alta Ribagorça, Alt Urgell, Cerdanya, Pallars Jussà e Pallars Sobirà) e Aran constituïssen ua unitat territoriau damb ua especificitat pròpria. Ei per açò que, a ua seguida de besonhs –sanitaris; de torisme de montanha; agricòles, deth bestiar e forestaus; de comunicacions e infraestructures rotères; d'ensenhament, e de melhorament der abitat raurau, entre d'auti-, diferents des dera rèsta deth país, cau resoner-i, logicament, damb politiques sectoriaus tanben diferenciades que garantisquen pleament era egalitat d'oportunitats des sòns abitants.

Era Generalitat considèrè prioritari possar es politiques des sòns departaments en aquestes comarques, entà pr'amor de fomentar-ne era projeccion e eth desvolopament integráu damb era fin d'arténher un creishement sostenible e territoriaument equilibrat e armonic.

D'acòrd damb era Mocion 78/VI deth Parlament de Catalonha, sus eth desvolopament des zònes raurus de montanha, e damb eth principi de promocion des condicions favorables entath progrès social e economic e eth principi de proteccion e melhorament deth miei ambient e era qualitat de vida, aquesta possada a d'entraïnar un tractament diferenciat des airaus de montanha.

Tanben considèrè de besonh encoratjar era implicacion des institucions locals, representades pes conselhs comarcaus, eth Conselh Generau d'Aran e es municipis includits en aquest domeni, ena definicion e era metuda en òbra d'iniciatives de desvolopament territoriau.

Atau madeish, cau crear un organisme foncionau capable d'encoratjar era participacion reau des pirenencs e es sues institucions ena informacion, er estudi e era elaboracion de proposicions e projèctes sus questions que les tanhen, com er espleit de recorsi e era planificacion territoriau.

Per açò, s'estime oportun de crear un organisme de caràcter public que, coma instrument integrador e potenciador des iniciatives que cada administracion programe e execute en sòn domeni respectiu, detècte melhor es besonhs e s'ocupe der estudi, eth foment e, se convié, era execucion des activitats amiades ath desvolopament integráu d'aquestes comarques.

Dades del document

Tipus de document

Llei

Data del document

30/12/2002

Número del document

028/2002

Número de control

02358105

Organisme emissor

**Departament de la
Presidència**

Dades del DOGC

Número

3801

Data

16/01/2003

Secció

DISPOSICIONS

Pàgina

910

Afectacions

[Veure-les totes](#)

[Afectacions passives \(1\)](#)

Descriptors relacionats

Organismes

» **Institut per al
Desenvolupament i la
Promoció de l'Alt Pirineu i
Aran (12)**

[Versió en català](#)



**Accedeix a la cerca
simple / avançada**

Article 1

Caractèr jurídic

1. Se cree er Institut entath Desvolopament e era Promocion deth Naut Pirenèu e Aran, coma organisme autonòm de caractèr administratiu dera Generalitat, damb personalitat jurídica, patrimoni pròpri e plea capacitat d'obrar entath compliment des sues finalitats.
2. Er Institut entath Desvolopament e era Promocion deth Naut Pirenèu e Aran ei estacat ath departament competent en matèria de política territorial e se regís per aguesta Lei, pes normes que la despleguen, pera legislacion generau sus entitats autonòmes que se li aplique e, subsidiàriament, pes normes generaus de dret administratiu.
3. Er Institut entath Desvolopament e era Promocion deth Naut Pirenèu e Aran a d'actuar damb autonomia financiera e a de dispausar de recorsi suficients entath compliment deth sòn objectiu. Damb aguesta finalitat, dispausa de pressupòst pròpri, d'acòrd damb era normativa aplicabla as organismes autonòms.
4. Er Institut entath Desvolopament e era Promocion deth Naut Pirenèu e Aran pòt constituïr entitats de dret public o consòrcis entà complir es sues finalitats, damb era autorizacion prealabla deth Govèrn e cossent damb çò que dispausa era legislacion dera Generalitat en aguesta matèria.
5. Eth Govèrn, damb eth rapòrt prealable deth Conselh Rector, a d'establir era sedença o es sedences der Institut entath Desvolopament e era Promocion deth Naut Pirenèu e Aran.
6. Eth departament ath quau ei estacat er Institut entath Desvolopament e era Promocion deth Naut Pirenèu e Aran exercís de promotor e coordinador des actuacions relacionades damb es finalitats d'aqueth Institut, autant des pròpies com des des auti departaments.

Article 2

Finalitat

Era finalitat der Institut entath Desvolopament e era Promocion deth Naut Pirenèu e Aran qu'ei eth desvolopament integrau e era promocion dera Alta Ribagorça, er Alt Urgell, era Cerdanya, eth Pallars Jussà, eth Pallars Sobirà e era Val d'Aran. Es foncions d'aguest Institut an d'anar amiades, en tot cas, a possar e executar iniciatives e a elaborar programes d'actuacion que contribuïsqen ad aguest desvolopament integrau.

Article 3

Foncions

1. Son foncions der Institut entath Desvolopament e era Promocion deth Naut Pirenèu e Aran:
 - a) Deféner es interèssi dera poblacion deth Naut Pirenèu e d'Aran.
 - b) Elaborar, avalorar e executar o possar plans de promocion e desvolopament de caractèr globau o sectoriau, damb critèris de sostenibilitat, deth Naut Pirenèu e d'Aran, qu'intègren o potèncien es actuacions que se i hèn e que favorisquen era coordinacion des administracions que i actuen.
 - c) Promòir, elaborar e assessorar estudis e trabalhs tecnicos entà conéisher melhor era realitat e es perspectives deth Naut Pirenèu e d'Aran.
 - d) Possar es accions de defensa des ecosistèmes naturaus deth Naut Pirenèu e d'Aran e era sensibilizacion, era divulgacion e era educacion ambientaus.

e) Préner mesures entà possar eth desvolopament des diferents sectors d'activitat deth Naut Pirenèu e d'Aran.

f) Participar ena elaboracion des disposicions legaus o reglamentàries que tanhen ath Naut Pirenèu e Aran, a requerida deth Parlament o deth Govèrn, especiaument entad açò qu'ei as matèries relacionades damb era revitalizacion deth sector ramadèr, agricòla e forestau, era promocion industriau e artesanau, eth desvolopament toristic e era promocion ambientau.

g) Participar ena elaboracion e evaluacion des plans territoriaus e des plans comarcaus de montanha que tanhen ath Naut Pirenèu e Aran, d'acòrd damb es autoritats sectoriaus competentes.

h) Possar era participacion d'entitats, publiques e privades, ena elaboracion de proposicions sus era espleitada de recorsi o era planificacion sectoriau deth Naut Pirenèu e Aran.

i) Fomentar era projeccion deth Naut Pirenèu e Aran e hèr-ne conéisher es trèts d'identitat.

j) Possar era programacion, era gestion e era informacion des actuacions especiaus entara montanha dera Union Europèa.

k) Possar politiques sostenibles de desvolopament demografic e coesion social, que garantisquen infraestructures culturaus e d'ensenhament presenciau e a distància.

l) Promòir infraestructures tecnologiques adaptades ath miei que favorisquen era implantacion des servicis de telecomunicacions e tecnologies dera informacion e eth desvolopament deth teletrabalh.

m) Promòir era creacion dera mèrca de qualitat Pirenèus entà productes agraris e toristics e elaborar-ne es normes de qualitat.

n) Possar era creacion d'un hilat de comunicacion de ràdio e television deth Naut Pirenèu e Aran.

o) Hèr eth seguiment des accions qu'eth madeish institut acòrde, possar-les e informar-ne ath Govèrn.

p) Tota auta foncion qu'ajude a arténher eth desvolopament integrau e sostenible deth Naut Pirenèu e Aran.

2. En desplegament des sues foncions, er Institut entath Desvolopament e era Promocion deth Naut Pirenèu e Aran a de velhar entà que se complisque era perspectiva de genre.

3. Er Institut entath Desvolopament e era Promocion deth Naut Pirenèu e Aran, en encastre des sues competéncias e foncions, pòt participar ena promocion d'iniciatives e ena gestion de programes de caractèr transfronterèr relatiu ath Pirenèu o ara montanha en generau, d'acòrd damb es politiques dera Union Europèa.

4. Er Institut entath Desvolopament e era Promocion deth Naut Pirenèu e Aran pòt establir acòrds de collaboracion damb comarques e municipis de montanha de d'autres zònes entà amiar a tèrme projèctes d'interès comun entà possar eth desvolopament e era promocion des territòris de montanha.

5. Er Institut entath Desvolopament e era Promocion deth Naut Pirenèu e Aran pòt establir convenguts damb es administracions locaus, era Administracion der Estat, es deputacions de Lleida e Girona, es conselhs comarcaus e eth Conselh Generau d'Aran.

Article 4

Organs

Er Institut entath Desvolopament e era Promocion deth Naut Pirenèu e Aran ei compausat des organs que seguissen:

- a) Eth Conselh Rector.
- b) Era Presidència.
- c) Era Direccion.
- d) Eth Conselh Assessor.

Article 5

Eth Conselh Rector

1. Eth Conselh Rector ei er organ superior collegiat de govèrn e direccion der Institut entath Desvolopament e era Promocion deth Naut Pirenèu e Aran.

2. Son membres deth Conselh Rector:

- a) Eth president o presidenta, qu'ei eth conselhèr o conselhèra deth departament ath quau ei adscrit er Institut.
- b) Eth vicepresident o vicepresidenta prumèr, escuelhut peth madeish Conselh Rector d'entre es representants des entitats locals des comarques deth Naut Pirenèu e Aran.
- c) Eth vicepresident o vicepresidenta segon, designat peth president o presidenta d'entre es representants dera Administracion dera Generalitat.
- d) Eth director o directora, qu'actue coma secretari o secretària, damb votz mès sense vòt.
- e) Un representant de cada grop parlamentari constituït en Parlament.
- f) Sèt representants dera Administracion dera Generalitat, que corresponen a sèt departaments diferents damb activitats estacades ath Naut Pirenèu e Aran, designats peth Govèrn.
- g) Tres representants des entitats locals de cada comarca deth Naut Pirenèu e Aran, entre es quaus i a d'auer eth president o presidenta de cada conselh comarcau, eth sindic o sindica deth Conselh Generau d'Aran e eth baile o era baïessa deth caplòc de cada comarca. Eth tresau qu'a d'èster un representant deth mon locau, escuelhut peth plen deth conselh comarcau d'entre es sòns membres, en tot sajar de garantir era mès grana representacion e era atencion ara especificitat des entitats locals que compausen era comarca.
- h) Dus representants dera societat civiu deth Naut Pirenèu e Aran, prepausats peth Conselh Assessor d'entre es membres que la representen.

3. Eth reglament deth Conselh Rector a d'establir eth procediment d'eleccion e designacion des sòns membres, en tot sajar de garantir era mès grana representacion e era atencion ara especificitat des entitats que i son representades, e era durada deth sòn mandat.

4. Eth vicepresident o vicepresidenta prumèr der Institut entath Desvolopament e era Promocion deth Naut Pirenèu e Aran substituís eth president o presidenta en cas de vacanta, absència o malautia; exercís es foncions qu'aguest li delègue de manèra exprèssa, e n'ei eth representant permanent ena activitat ordinària d'aguest Institut.

5. Eth vicepresident o vicepresidenta segon der Institut entath Desvolopament e era Promocion deth Naut Pirenèu e Aran substituís eth president o presidenta en cas de vacanta, absència o malautia quan non ac

pòt hèr eth vicepresident o vicepresidenta prumèr; exercís es foncions qu'eth president o presidenta li delègue, e actue coma coordinador entad açò qu'ei ara participacion dera Administracion dera Generalitat enes projèctes e es actuacions d'aguest Institut.

Article 6

Foncions deth Conselh Rector e regim de foncionament

1. Son foncions deth Conselh Rector:

a) Elaborar e aprovar era planificacion generau dera activitat der Institut entath Desvolopament e era Promocion deth Naut Pirenèu e Aran.

b) Elaborar e aprovar eth plan annau d'actuacions e es projèctes especifics que s'acòrde d'amiar entà deuant.

c) Aprovar annaument era memòria sus era gestion der Institut entath Desvolopament e era Promocion deth Naut Pirenèu e Aran e eth projècte de pressupòst.

d) Aprovar eth contingent de personau.

e) Aprovar eth reglament de regim interior.

f) Assabentar des convenguts que calgue concretar.

g) Crear es servicis e desvolopar es activitats que calgue entath compliment des objectius der Institut entath Desvolopament e era Promocion deth Naut Pirenèu e Aran.

h) Tota auta que li sigue encomanada, laguens des finalitats der Institut entath Desvolopament e era Promocion deth Naut Pirenèu e Aran.

2. Eth Conselh Rector, coma maxim organ de govèrn der Institut entath Desvolopament e era Promocion deth Naut Pirenèu e Aran, a d'èster escotat prealablament ath nomentament deth director o directora, eth quau pòt vetar damb ua majoria de tres cincaus parts.

Article 7

Foncions dera Presidència

Son foncions dera Presidència:

a) Representar er Institut entath Desvolopament e era Promocion deth Naut Pirenèu e Aran.

b) Convocar e presidir es amassades deth Conselh Rector e deth Conselh Assessor, establir-ne er orde deth dia e dirigir-les.

c) Nomentar es membres deth Conselh Rector e deth Conselh Assessor, a proposicion des respectius organs, administracions e grops.

d) Garantir era coordinacion damb eth Conselh Generau de Montanha.

Article 8

Era Direccion

1. Eth director o directora der Institut entath Desvolopament e era Promocion deth Naut Pirenèu e Aran ei nomentat peth Govèrn a proposicion deth Conselh Rector. Non s'a de nomentar entara Direccion arrés qu'exercisque un mandat representatiu.

2. Son foncions dera Direccion:

a) Dirigir er Institut entath Desvolopament e era Promocion deth Naut Pirenèu e Aran, d'acòrd damb es directives dera Presidència e deth Conselh Rector.

b) Executar es acòrds deth Conselh Rector.

c) Gestionar, en nòm der Institut entath Desvolopament e era Promocion deth Naut Pirenèu e Aran, es contractes derivats des sues activitats, damb es limitacions establides.

d) Exercir era direccion deth personau.

e) Administrar es bens der Institut entath Desvolopament e era Promocion deth Naut Pirenèu e Aran e velhar entà que siguen tenguts e conservats corrèctament.

f) Ordenar es despenes e es pagaments, laguens des limits establits.

g) Premanir era memòria annau sus era gestion der Institut entath Desvolopament e era Promocion deth Naut Pirenèu e Aran e er avantprojècte de pressupòst.

h) Executar eth pressupòst annau.

i) Prestar assisténcia tecnica e administrativa ath Conselh Rector e ath Conselh Assessor, exercir-ne era secretaria e convocar-ne, per orde deth president o presidenta, es amassades.

j) Tota auta foncion que li encomane eth Conselh Rector o era Presidència, laguens des finalitats der Institut entath Desvolopament e era Promocion deth Naut Pirenèu e Aran.

Article 9

Eth Conselh Assessor

1. Eth Conselh Assessor der Institut entath Desvolopament e era Promocion deth Naut Pirenèu e Aran ei un organ de caractèr consultatiu. I son representats organismes publics e privats deth Naut Pirenèu e d'Aran.

2. Son membres deth Conselh Assessor:

a) Eth president o presidenta e es vicepresidents der Institut entath Desvolopament e era Promocion deth Naut Pirenèu e Aran.

b) Eth director o directora der Institut entath Desvolopament e era Promocion deth Naut Pirenèu e Aran o era persona ath servici d'aguest Institut en qui delègue exprèssament, qu'actue coma secretari o secretària.

c) Un representant de cada grop parlamentari constituït en Parlament.

d) Sèt representants dera Administracion dera Generalitat damb activitats estacades ath Naut Pirenèu e Aran.

e) Un representant de cadun des conselhs comarcaus deth Naut Pirenèu e deth Conselh Generau d'Aran.

f) Sies representants des administracions loaus deth Naut Pirenèu e d'Aran prepausats pes entitats municipalistes.

g) Un representant dera Administracion der Estat.

h) Quate representants des universitats de Lleida e de Girona, dus per cadua, de reconeishut prestigi professionau e estacats ath Naut Pirenèu e Aran.

i) Quate representants des organizacions sindicau deth Naut Pirenèu e Aran.

j) Quate representants des organizacions empresariaus deth Naut Pirenèu e Aran.

k) Quate representants des crambes de comèrc deth Naut Pirenèu e Aran.

l) Quate representants des organizacions professionaus agràries deth Naut Pirenèu e Aran.

m) Quate representants des entitats deth Naut Pirenèu e Aran, era finalitat des quaus sigue contribuïr ara coneishença, era defensa o eth desvolopament integrat d'aguestes comarques.

3. Eth reglament de regim interior deth Conselh Assessor a de reglar eth foncionament intern d'aguest, es critèris d'eleccion e designacion des sòns membres, en tot sajar de garantir era mès grana representacion e era atencion ara especificitat des organismes que i son representats, e era durada deth sòn mandat.

4. En encastre deth Conselh Assessor, se pòden crear comissions de trabalh sectoriaus, d'acòrd damb eth reglament de regim interior der Institut entath Desvolopament e era Promocion deth Naut Pirenèu e Aran. Atau madeish, se pòt crear ua comission sòcioeconomica qu'age coma foncions principaus eth debat e era reflexion sus eth desvolopament sòcioeconomic deth Naut Pirenèu e Aran.

Article 10

Foncions deth Conselh Assessor

Son foncions deth Conselh Assessor:

a) Assabentar e assessorar eth Conselh Rector e era Direccion e formular-les proposicions sus tota matèria relativa as activitats der Institut entath Desvolopament e era Promocion deth Naut Pirenèu e Aran.

b) Opinar e assabentar des questions que li siguen sosmetudes peth Conselh Rector e, en tot cas, eméter un rapòrt des linhes generaus e eth plan annau d'actuacions abans que siguen aprovats.

c) Prepausar es actuacions que considèra oportunes entath compliment des objectius der Institut entath Desvolopament e era Promocion deth Naut Pirenèu e Aran.

d) Tota auta foncion que per lei o reglament li sigue atribuïda.

Article 11

Patrimòni

1. Eth patrimòni der Institut entath Desvolopament e era Promocion deth Naut Pirenèu e Aran ei constituït pes bens e es drets que li son adscrits pera Generalitat e pes que produsisque o aquerisque per quinsevolh títol.

2. Era gestion deth patrimòni der Institut entath Desvolopament e era Promocion deth Naut Pirenèu e Aran a de complir es disposicions dera Lei 11/1981, deth 7 de deseme, de patrimòni dera Generalitat.

Article 12

Recorsi economics

1. Es recorsi economics der Institut entath Desvolopament e era Promocion deth Naut Pirenèu e Aran son:

a) Es assignacions que, damb caractèr obligatòri, s'an de consignar cada an ena lei de pressupòsti dera Generalitat. Aguestes assignacions an d'assegurar era sufisença de recorsi entàs activitats qu'aguest Institut a encomanades.

b) Es ingressi derivats dera gestion e era espleita des bens e es servicis.

c) Es fruts, es rendes o es interèssi des bens patrimoniaux.

d) Es subvencions que recebe de d'autres administracions.

e) Es apòrts voluntaris d'entitats e particulars.

f) Es subvencions que recebe en aplicacion des programmes dera Union Europèa.

g) Tot aute recors que li sigue atribuït.

2. Eth pressupòst der Institut entath Desvolopament e era Promocion deth Naut Pirenèu e Aran ei annau e s'a d'assubjectir ara legislacion sus es pressupòsti des entitats autonòmes.

3. Er Institut entath Desvolopament e era Promocion deth Naut Pirenèu e Aran a dret as exempcions e es beneficis fiscaus que corresponen ara Generalitat.

4. Entad açò qu'ei ath Plan director d'inversions locals cau atier-se a çò qu'establís er article 71 dera Lei 8/1987, deth 15 d'abriu, municipau e de regim locau de Catalonha.

Article 13

Regim de contractacion

Era contractacion der Institut entath Desvolopament e era Promocion deth Naut Pirenèu e Aran se regís per çò qu'establís era legislacion en vigor en matèria de contractacion administrativa.

Article 14

Regim de personau

1. Eth personau ath servici der Institut entath Desvolopament e era Promocion deth Naut Pirenèu e Aran se regís peth regim laborau.

2. Era seleccion deth personau, exceptat des directius, la cau hèr damb era publicitat adequada e d'acòrd damb es principis d'egalitat, merit e aptitud, en tot respectar es limits pressupostaris.

3. Coma excepcion ath principi generau establìt per apartat 1, demoren reservats ath personau foncionari es lòcs de trabalh qu'entraïnen er exercici d'autoritat, era inspeccion o eth contròtle corresponents ath departament ath quau ei adscrit er Institut entath Desvolopament e era Promocion deth Naut Pirenèu e Aran.

Disposicions addicionaus

Prumèra

Eth Govèrn, enes politiquas que prebotge entàs zònes des Pirenèus, a d'aue en compde es actuacions der Institut entath Desvolopament e era Promocion deth Naut Pirenèu e Aran e, quan sigue possible, concertar-se-i entà qu'es accions qu'amie a tèrme e es programacions que desvolope garantisquen pliamet as sòns abitants era egalitat d'oportunitats e un madeish grad de prestacions e servicis, e ath madeish temps fomenten era projeccion e eth desvolopament integrau dera zòna entà garantir un creishement sostenible e territoriaument equilibrat e armonic.

Dusau

S'autorize as conselhèrs d'Economia e Finances e de Politica Territorial e Òbres Publiques entà que hèsquen es adaptacions o prenguen es mesures pressupostàries de besonh entà complir çò que dispause aguesta Lei.

Tresau

En tèrme d'un an a compdar dera aplicacion d'aguesta Lei e entà pr'amor de perméter eth compliment des objectius der Institut entath Desvolopament e era Promocion deth Naut Pirenèu e Aran, eth Govèrn a

d'amiar a tèrme es actuacions que seguissen:

- a) Presentar ath Conselh Rector eth Projècte de plan territorialu parciau deth Naut Pirenèu e Aran.
- b) Presentar ath Conselh Rector eth Plan director des infraestructures pirenenques.
- c) Elaborar un plan de promocion e gestion integrau deth torisme en Naut Pirenèu e Aran.
- d) Elaborar un plan de promocion, restauracion e gestion deth patrimòni culturau deth Naut Pirenèu e Aran.
- e) Promòir era concertacion des politiques publiques de gestion forestau deth Naut Pirenèu e Aran.
- f) Promòir era concertacion des politiques publiques entara promocion agricòla e ramadèra deth Naut Pirenèu e Aran.
- g) Promòir era constitucion d'un consòrci de torisme deth Naut Pirenèu e Aran.

Disposicions finaus

Prumèra

Es membres deth Conselh Rector e deth Conselh Assessor s'an de nomenar en tèrme de quate e tres mesi, respectivament, a compdar dera aplicacion d'aguesta Lei.

Dusau

Se faculte ath Govèrn e ath conselhèr o conselhèra competent ena matèria entà desvolopar e executar aguesta Lei.

Tresau

Aguesta Lei comence a aplicar-se a l'ondeman d'auer estat publicada en Diari Oficial de la Generalitat de Catalunya.

Per tant, mani que toti es ciutadans as quaus sigue d'aplicacion aguesta lei cooperen en son compliment e qu'es tribunaus e es autoritats a qui tanhe la hèsqen acomplir.

Palai dera Generalitat, 30 de deseme deth 2002

Jordi Pujol

President dera Generalitat de Catalonha

Felip Puig i Godes

Conselhèr de Politica Territorialu

e Òbres Publiques

02.358.105

